

BOSNA I HERCEGOVINA
REPUBLIKA SRPSKA
OSNOVNI SUD U TREBINJU
Broj: 095-0-Su 22-000 108
Trebinje, 03.06.2022. godine

SAOPŠTENJE ZA JAVNOST

U vezi protesta i natpisa o odlukama u krivičnim predmetima u Osnovnom sudu u Trebinju, u kojima je kazna zatvora zamijenjena u novčanu kaznu, obavještavate se o sljedećem:

Odredbama člana 46a. stav 3. Krivičnog zakonika Republike Srpske (Sl.gl.RS broj 64/17 i 15/21) propisano je da, ako izrečena kazna zatvora ne prelazi jednu godinu, može se na zahtjev osuđenog zamijeniti novčanom kaznom shodno odredbi člana 50. stav 2. i 3. ovog zakona. Odredbom člana 50. stav 2. istog zakona propisan je način izvršenja novčane kazne iz koje proizilazi da se jedan dan zatvora računa kao novčani iznos od 50,00 KM.

Ukoliko osuđeni novčanu kaznu ne plati u cjelosti ili djelimično u određenom roku, kazna će se naplatiti prinudnim putem, a ukoliko u roku od jedne godine ne bude izvršena prinudna naplata novčana kazna će se ponovo zamijeniti kaznom zatvora tako da se svakih započelih 50,00 KM računa kao jedan dan zatvora.

Zakonom nije određeno u kojim slučajevima se vrši zamjena kazne zatvora u novčanu kaznu, nisu navedeni kriteriji za zamjenu, odnosno nije naveden nijedan razlog ili okolnost na osnovu kojih se osuđeni može odbiti sa zahtjevom za zamjenu kazne zatvora u novčanu kaznu. Formulacija „može“ je širok pojam i ovaj sud je, da bi izbjegao diskriminaciju, svim osuđenim na kaznu zatvora do jedne godine, koji podnesu zahtjev, mijenjao kaznu zatvora u novčanu kaznu.

Dakle, odluke Osnovnog suda u Trebinju, kojima je kazna zatvora do jedne godine zamijenjena u novčanu kaznu su donešene u skladu sa navedenim zakonom i jednako prema svim osuđenim, tako da su netačne i zlonamjerne izjave sa protesta i u medijima.



PREDSJEDNIK SUDA
Milan Bosić